

ROYALTI

HAK RAKYAT

KELANTAN



Mengapa **PETRONAS**
PERLU BAYAR **ROYALTI**
KEPADA KELANTAN




Diterbitkan:

URUSETIA PENERANGAN KERAJAAN NEGERI KELANTAN

Pejabat Setiausaha Kerajaan, Blok 7, Kompleks Kota Darulnaim, 15503 Kota Bharu Kelantan. Tel. 09-7483529

Percuma



ROYALTI

HAK RAKYAT

KELANTAN



Cetakan Pertama 2010


Hak cipta terpelihara. Tidak dibenarkan mengeluarkan ulang mana-mana bahagian artikel, ilustrasi, isi kandungan buku ini dalam apa jua bentuk dan dengan apa jua cara, sama ada secara elektronik, fotokopi, mekanik, rakaman atau lain-lain,

Diterbitkan Oleh :

Urusetia Penerangan Kerajaan Negeri Kelantan
Tingkat Atas, Blok 7,
Kompleks Kota Darulnaim, 15503 Kota Bharu,
Kelantan.

Dicetak Oleh :

Puncak Barisan (M) Sdn. Bhd.
1721, Tingkat Bawah, Taman Aman Lundang,
Jalan Sultan Yahya Petra, 15150 Kota Bharu,
Kelantan.





KATA PENGANTAR MENTERI BESAR KELANTAN



Dengan Nama Allah Yang Maha Pemurah Lagi Maha Pengasih.

Segala pujian dan ketaatan hanya untuk Allah SWT, selawat dan salam ke atas junjungan besar Nabi Muhammad saw, ahli keluarga dan sahabat baginda serta mereka yang mengikuti jalannya dalam menegakkan hukum Allah SWT di muka bumi ini.

Terima kasih kepada Urusetia Penerangan Kerajaan Kelantan kerana berhasil menerbitkan buku **“Royalti Hak Rakyat Kelantan”** yang isinya menerangkan secara terperinci tentang hak-hak rakyat dan kerajaan Kelantan dalam tuntutan untuk mendapatkan royalti minyak sebanyak 5 peratus, yang dijumpai dan dicarigali di perairan negeri ini, sebagaimana termaktub dalam perjanjian yang pernah dibuat antara Kerajaan Negeri dengan Petronas suatu ketika dulu.

Semoga dengan terbitnya buku ini dan beredar dikalangan masyarakat, setiap orang akan mendapat kefahaman yang jelas; kenapa Kelantan berhak ke atas royalti itu dan bukannya wang insan seperti yang ditawarkan.

Diharapkan semoga usaha murni seperti ini dapat dimanfaatkan untuk kebaikan bersama. Seterusnya didoakan agar kita semua memperolehi taufiq dan hidayah daripada Allah SWT.

“MEMBANGUN BERSAMA ISLAM”

Sekian, terima kasih.

**YAB. TUAN GURU DATO’
HJ. NIK ABDUL AZIZ BIN NIK MAT**

KATA PENGANTAR

**PENGERUSI JAWATANKUASA
PERANCANGAN EKONOMI,
KEWANGAN DAN KEBAJIKAN
KERAJAAN NEGERI KELANTAN**



Dengan nama Allah yang Maha Pemurah lagi Maha Pengasih, setinggi-tinggi kesyukuran dipanjatkan ke hadirat Allah SWT pemilik alam semesta ini, serta selawat dan salam untuk junjungan besar Nabi Muhammad saw, para sahabat dan seluruh ahli keluarganya.

Saya dahulukan dengan ucapan terima kasih kepada Urusetia Penerangan Kerajaan Negeri (UPKN) yang telah mengambil inisiatif menerbitkan buku ini untuk tatapan setiap lapisan masyarakat.

Atas kesedaran betapa perlunya setiap maklumat yang berkaitan dengan kepentingan dan hak rakyat diketahui oleh rakyat, maka penerbitan buku ini menepati rasionalnya berhubung dengan isu tuntutan royalti minyak oleh Kerajaan Kelantan.

Akhirnya sekali saya mengharapkan melalui persembahan buku ini ia bukan sahaja mampu mengungkap sekalian persoalan juga mampu memberi maklumat dan pengetahuan kepada pembaca seluruhnya.

“MEMBANGUN BERSAMA ISLAM”

Sekian, wasallam

YB. DATO' HAJI HUSAM MUSA

Mereka datang dari seluruh pelusuk Negeri Kelantan mendengar penjelasan Tengku Razaleigh Hamzah mengenai royalti minyak.





KATA PENGANTAR
**PENGERUSI JAWATANKUASA
 PENERANGAN, PEMBANGUNAN
 MAKLUMAT, SAINS DAN TEKNOLOGI
 KERAJAAN NEGERI KELANTAN.**



Dengan Nama Allah Yang Maha
 Pemurah Lagi Maha Pengasih.

Segala puji dan syukur hanya
 milik Allah SWT, yang meninggikan
 derajat orang yang beriman, selawat dan salam semoga tercurah
 kepada Rasulullah saw, keluarga, sahabat dan orang-orang yang
 selalu konsisten dengan ajarannya, sampai hari kiamat.

Tuntutan royalti minyak telah menjadi agenda utama rakyat
 Kelantan, di sana sini rakyat memperkatakan tentang hak mereka
 untuk mendapatkan lima peratus royalti minyak yang dijumpai di
 perairan negeri ini. Banyak pihak telah tampil menyatakan sokongan
 serta mengemukakan hujah dan bukti.

Alhamdulillah. Dengan terbitnya buku **“Royalti Hak
 Rakyat Kelantan”** ini oleh Urusetia Penerangan Kerajaan Kelantan,
 diharapkan pembaca dapat memahami secara terperinci, tentang
 hak-hak rakyat Kelantan ke atas royalti minyak dan bukannya wang
 ihsan seperti ditawarkan.

Semoga usaha yang baik ini mendapat rahmat dan keberka-
 tan daripada Allah SWT.

“MEMBANGUN BERSAMA ISLAM”

Sekian, terima kasih.

YB. DR. MOHAMED FADZLI BIN DATO' HAJI HASSAN



KATA PENGANTAR
**PENGARAH URUSETIA PENERANGAN
KERAJAAN NEGERI KELANTAN**



Segala puja dan puji hanya milik Allah SWT yang mencipta dan memiliki alam semesta ini. Selawat dan salam kepada junjungan besar Nabi Muhammad saw, para sahabat dan ahli keluarga Baginda.

Pengertian keadilan itu adalah meletakkan sesuatu itu kepada haknya, dan begitu juga dengan isu royalti minyak yang dituntut oleh Kerajaan Kelantan yang mana mengikut peruntukan undang-undang ia adalah menjadi hak milik rakyat Kelantan.

Pengertian hak itu terbahagi kepada hak individu, hak masyarakat, hak negeri, hak negara dan hak di peringkat antarabangsa. Jika tidak kerana melindungi kepentingan hak, maka apalah ertinya dibentuk peruntukan undang-undang yang menjadi dasar untuk dipatuhi dan diikuti.

Realitinya, atas alasan apa lagi Kerajaan Pusat keberatan untuk melunaskan tuntutan tersebut yang menjadi hak rakyat Kelantan seluruhnya. Sedangkan dengan wang royalti tersebut dapat menyelesaikan sekalian banyak keperluan dan kebajikan rakyat dalam negeri ini.

Atas kesedaran ini, saya memohon Kerajaan Pusat menyegerakan tuntutan tersebut demi kebajikan dan kebaikan semua pihak. Akhir sekali saya mendoakan semoga tuntutan tersebut segera direalisasikan oleh pihak terbabit demi kesejahteraan rakyat di negeri ini.

”MEMBANGUN BERSAMA ISLAM”

Sekian, wasallam.

YABrs. HAJI ABDUL RAHMAN BIN YUNUS



Ribuan jamaah mengaminkan doa yang dibaca Menteri Besar Kelantan, Tuan Guru Dato' Nik Abdul Aziz Nik Mat seusai solat hajat yang dimamkan beliau sendiri.





Lebih 40 ribu rakyat Kelantan berhimpun di Stadium Sultan Mohammad ke-IV, tanggal 28 Januari 2010, bermunajat kepada Allah SWT, mohon agar tuntutan ke atas hak-hak rakyat negeri ini untuk mendapatkan royalti minyak diperkenankan Allah SWT. Selanjutnya mendengar penjelasan Tengku Razaleigh Hamzah; mengapa Kerajaan Kelantan berhak menuntut royalti minyak dan menolak wang ihsan.

KANDUNGAN

• Khazanah Petroleum Kelantan	1-12
• Mengapa Petronas Perlu Membayar Royalti Kepada Kelantan?	13-24
• Kenyataan Tun Dr. Mohd Salleh Bin Abas	25-28
- Surat Menteri Besar Kelantan	29-30
- Surat Jawapan Tengku Razaleigh Hamzah	31-32
• Amanah Allah Dalam Hal Menggunakan Hasil Mahsul Negeri	33-41
• Foto sekitar solat hajat dan penjelasan Ku Li	42-45
• Kartun	46-50



seperti yang berlaku kepada kaum Aad, Thamud dan Qoruun. Banyak sudah tamadun dan kaum yang hebat telah ditelan bumi kerana kealpaan dan keegoan mereka. Manusia memang sukakan harta dan kemewahan namun manusia mudah lupa kepada Tuhan Pemberi harta dan rezki itu.

Semoga usaha kita untuk membentuk sebuah masyarakat dan negara yang melaksanakan syariat Islam akan berjaya agar kita semua kembali menemui Allah SWT dalam keadaan Allah meredhai kita.



negara bagi tahun 2005 hingga 2008 ialah sebanyak 5.4 peratus setahun, iaitu jumlah yang jauh lebih tinggi dari Negeri Sabah. Perkara ini juga telah dititahkan oleh Yang Maha Mulia Pemangku Raja Kelantan semasa pembukaan persidangan Dewan Undangan Negeri Kelantan baru-baru ini.

Sesungguhnya, sikap adil dan benar adalah amat penting bagi setiap mukmin kerana ia menghampiri kepada takwa. Inilah yang kita perlukan demi membina persaudaraan, perhubungan yang baik dan saling hormat-menghormati antara semua pihak. Sebaliknya, bersikap bohong, zalim dan menidakkan hak orang lain akan memporak-perandakan ummah. Mimbar Jumaat ingin mengingatkan bahawa konsep federalisme atau pembahagian kuasa antara kerajaan pusat dan kerajaan negeri yang telah dipersetujui di awal kemerdekaan dahulu seharusnya dilaksanakan secara adil dan saksama tanpa pilih kasih demi kepentingan rakyat jelata. Semua hak kerajaan dan hak rakyat negeri kelantan ini mestilah ditunaikan secara adil dan saksama.

Dalam isu royalti minyak ini, kerajaan Persekutuan sewajarnya melaksanakan tanggungjawabnya, menyerahkan royalti kepada Kerajaan Negeri dan membenarkan negeri menentukan sendiri bagaimanakah wang tersebut harus digunakan untuk kepentingan semua rakyat. Sepatutnya semangat asal federalisme atau pembahagian kuasa yang telah menetapkan bidang kuasa Kerajaan negeri, malah dijamin dalam perlembagaan Malaysia dipatuhi dan direalisasikan oleh Kerajaan Pusat. Semoga ianya menjadi peringatan kepada semua pihak. Apa yang lebih penting adalah sikap amanah, jujur dan bertanggungjawab yang mesti ada pada kita semua. Semoga zaman kegemilangan Islam sebelum ini, iaitu zaman di mana amanah dijunjung tinggi akan kembali berulang.

Marilah kita mengambil pengajaran daripada kisah umat yang terdahulu yang telah dihumbankan atau ditenggelamkan oleh Allah bersama dengan harta yang menjadi rebutan mereka akibat daripada sifat angkuh dan lupa diri manusia




KHAZANAH PETROLEUM KELANTAN

JOINT DEVELOPMENT AREA (JDA) terletak dalam kawasan seluas 7,250 km persegi dan terbahagi kepada 3 blok, kesemuanya di perairan bertindih tuntutan antara Malaysia- Thailand.

Jarak kawasan ialah, dari Songkhla 260 kilometer, Pattani 280 kilometer, Kerteh, 310 kolometer, sementara daripada Kota Bharu ialah 150 kilometer. Lebih dekat daripada ketiga-tiga tempat tersebut.

Pengeluaran semasa gas di kawasan ini dianggarkan berjumlah 790 juta kaki padu sehari atau 248 trillion kaki padu setahun, dengan nilai lebih RM4 billion setahun. Pengeluaran minyak pula ialah 23,000 tong sehari. Tuntutan royalti petroleum dan gas asli melibatkan 3 blok eksplorasi yang di dalam perairan Kelantan.



Dua daripada kawasan ini sudah memulakan pengeluaran petroleum dan gas asli iaitu bermula daripada 2003 dan 2005 tetapi berada dalam kawasan pertindihan. Satu kawasan lagi bermula di tepi pantai Kelantan tetapi hanya dijangka akan mula pengeluaran pada tahun 2011 dan 2012.

Selain daripada itu terdapat juga kawasan yang bersempadan dengan perairan Terengganu, telah memulakan pengeluaran dan royalti dibayar kepada Kerajaan Negeri Terengganu.

Oleh itu, mimbar khutbah ingin mengingatkan bahawa urusan pemerintahan dan kepimpinan adalah satu tanggungjawab yang berat di sisi Allah bahkan setiap sen daripada penggunaan hasil mahsul Negara dan hak rakyat tanpa melalui jalan yang sah pastinya akan disoal oleh Allah SWT diakhirat kelak.

Ketiga, mimbar Jumaat pada hari ini ingin mengingatkan semua pemimpin di setiap peringkat akan kepentingan bersikap adil dan benar khususnya mengenai sesuatu maklumat atau tindakan yang berkaitan kepentingan ummah.

Allah berfirman dalam surah an-Nisa', ayat 135 dan 136 : Maksudnya: *"Wahai orang-orang Yang beriman! hendaklah kamu menjadi orang-orang Yang sentiasa menegakkan keadilan, lagi menjadi saksi (yang menerangkan kebenaran) kerana Allah, sekalipun terhadap diri kamu sendiri, atau ibu bapa dan kaum kerabat kamu. walaupun orang (yang didakwa) itu kaya atau miskin (maka janganlah kamu terhalang daripada menjadi saksi Yang memperkatakan kebenaran disebabkan perasaan timbang-rasa kamu), kerana Allah lebih bertimbang rasa kepada keduanya. oleh itu, janganlah kamu turutkan hawa nafsu supaya kamu tidak menyeleweng dari keadilan. dan jika kamu memutar-belitkan keterangan ataupun enggan (daripada menjadi saksi), maka Sesungguhnya Allah sentiasa mengetahui Dengan mendalam akan apa Yang kamu lakukan"*

Sesungguhnya, sebelum ini ramai orang tidak menyedari bahawa minyak telahpun dikeluarkan dari bumi Kelantan sejak beberapa tahun lalu. Berasaskan data dari Jabatan Perangkaan Malaysia yang diedarkan oleh Unit Perancang Ekonomi Jabatan Perdana Menteri, pengeluaran minyak dari Kelantan telah bermula sejak tahun 2005 lagi. Peraturan penghasilan Kelantan kepada pengeluaran minyak



Melalui perjanjian ini kerajaan Persekutuan telah bersetuju untuk memberi royalti kepada kerajaan Kelantan sebanyak 5 peratus setahun dan dibayar tunai dua kali setahun. Sesungguhnya perjanjian ini tidak pernah sekali-kali dibatalkan dan amanah kepada hak rakyat Kelantan seluruhnya ini mestilah dikotakan. Berkenaan dengan dakwaan yang mengatakan bahawa negeri Kelantan tidak berhak mendapat royalti kerana minyak yang ditemui adalah berada di kawasan melepasi tiga batu nautikal daripada pantai Kelantan, ini adalah hujah yang tidak boleh diterima, kerana kandungan perjanjian tersebut tidak pula menetapkan sebarang jarak di mana minyak itu ditemui.

Mimbar Jumaat berpandangan bahawa pemberian wang royalti adalah lebih telus dan tepat untuk menunaikan hak rakyat Kelantan dan bukannya dalam bentuk wang ehsan. Wang ehsan akan merugikan rakyat Kelantan kerana pelaksanaan, penggunaan dan pengagihan dana tersebut tidak melalui kerajaan negeri yang telah dipilih rakyat secara sah melalui saluran pilihanraya, sebaliknya disalurkan hanya kepada sebuah agensi yang sifatnya tentulah lebih kecil berbanding dengan sebuah Kerajaan. Hal Ini dikhuatiri boleh membawa kepada unsur tidak telus, pembaziran dan pertindihan sebagaimana yang telah berlaku di negeri lain.

Jika pembayaran royalti terus diberikan kepada kerajaan negeri yang memerintah, pihak kerajaan negeri, berdasarkan kaedah fiqh aulawiyat berupaya menentukan anugerah Allah ini dimanfaatkan kepada rakyat. Kerajaan negeri yang sah di sisi undang-undang dan perlembagaan negara ini hendaklah dihormati dan berkuasa sebagai pemerintah sah yang dipilih rakyat untuk mentadbir negeri dan bertanggungjawab membuat keputusan tentang perancangan dan pembangunan rakyat. Agensi-agensi yang lain sebaliknya hanyalah sekadar agensi sokongan kepada usaha tersebut dan tidak boleh pula mengatasi kuasa sesebuah kerajaan yang memerintah.



Kawasan-kawasan yang dimaksudkan ialah,

(i) Kawasan Joint Development Area (JDA) Malaysia-Thailand terdiri dari Kawasan seperti berikut;

- (a) Blok A18 (9 zon) – Cakrawala, Bulan, Suriya, Bumi, Bumi East, Senja, Samudera, Wira dan Samudera North.
- (b) Blok B17 (9 zon) _ Muda, Tapi, Jengka, Amarit, Mali, Jengka South, Jemnka West, Jengka East dan Muda South.
- (c) B17-01 (3 zon) – Tanjung, Jinda dan Andalas.

(ii) Blok PM3 atau Commercial Arrangement Area.

Kerja pengeluaran minyak bermula pada 1997 bagi Fasa 1, Fasa 2 dan 3 mencapai kemuncaknya pada 2004. Ia melibatkan kerja-kerja di telaga West Bunga Kekwa, East Bunga Kekwa-Cai Nuoc, East Bunga Raya, West Bunga Raya, NW Bunga Raya dan Bunga Seroja. Kapasiti pengeluaran ialah 60,000 tong minyak sehari dan 270 mm cfpd of gas. Gas yang dibeli oleh Petronas dari kawasan ini dihantara melalui paip 24in, sejauh 170 km gas Platform Resak.

Petronas dan Kerajaan Persekutuan cuba menaikan hak Kerajaan Kelantan dengan menimbulkan isu bahawa; kawasan PM3 adalah dibawah kewasan bertindih antara Malaysia dan Vietnam dan PM3 berada di kawasan perairan Zon Ekonomi Eksklusif Malaysia.

(Sebagaimana dengan isu di JDA, aspek perundangan dan perlembagaan Persekutuan jelas dan pemahaman menyebelahi tuntutan Kelantan. Jarak kawasan pengeluaran tidak menjadi faktor penentu pembayaran royalti kerana kerajaan Negeri Terengganu dan Sabah terus menikmati royalti walaupun jarak kawasan pengeluarannya lebih jauh dari kawasan tuntutan Kelantan).



(iii) Blok PM301 dan PM302

Blok PM301 adalah bersempadan dengan pantai Kelantan dan Blok PM302 pula bersempadan dengan PM301. Menurut Petronas pengeluaran gas di kawasan-kawasan PM301 dan PM302 akan bermula 2011/2012. Operasi dikedua blok ini diberikan kepada CS Mutiara Petroleum Sdn Bhd. Ia adalah sebuah syarikat milik 50:50 antara Petronas Cagrigali Sdn Bhd dan Shell Exploration And Production Malaysia BV.

Setakat ini terdapat 8 kawasan yang disahkan mempunyai simpanan gas asli. Pada 3 April 2006, CS Mutiara mengumumkan penggerudian lautan sedalam 67 meter telah bermula 18 Februari 2006 dan sejumlah telaga telah ditemui.

Penemuan gas di blok PM301 adalah di zon Bunga Kamelia, Bunga Zetung, Bunga Anggerik, Bunga Kesumba, Bumi South dan Bunga Melati. Sementara penemuan gas di blok PM302 pula adalah di zon Bunga Dahlia dan Bunga Teratai.

(iv) Kawasan Ular, Gajah dan Bergading di PM2 serta Lawit dan Jerneh dalam Blok PM303.

Kawasan Ular dan Gajah Bergading terletak bersempadan diantara JDA-Blok A18 dengan Blok PM301. Sumber Petronas memanggil kawasan ini sebagai Blok PM 2. Bagaimanapun tidak jelas sama ada ia diusahakan oleh Operator dari kawasan JDA atau CS Mutiara kerana Ular, Gajah Bergading tercatat dalam data Malaysia –Thailand Joint Authority. Tapi melihat peta Seismic menunjukkan kawasan Gajah Bergading dan Ular terletak di laut JDA dan dalam kawasan perairan tidak bertindih tuntutan (Perairan Kelantan). Sementara kawasan Jerneh dan Lawit yang dipercayai berada dalam perairan Kelantan. Kerajaan Persekutuan cuba menafikan hak Kerajaan Negeri Kelantan dengan menimbulkan isu bahawa; PM3 adalah dibawah kawasan bertindih antara Malaysia- Vietnam.



rakyatnya seperti yang telah diamanahkan kepada pemerintah yang telah dipilih rakyat secara bebas dan adil untuk mentadbir sesebuah negeri. Oleh itu tidak ada pihak lain yang lebih layak dan utama melainkan pemerintah yang sah di sesebuah negeri yang seharusnya bertanggungjawab dalam hal memutuskan mengenai menggunakan hasil mahsul, harta dan dana awam ini untuk kepentingan rakyatnya.

Mimbar jumaat ingin menegaskan bahawa perjanjian menurut Islam adalah sesuatu yang wajib ditunaikan. Allah telah menyatakan dalam surah Al-Mu'minuun bahawa antara sifat orang yang beriman ialah :

Maksudnya: *“Dan mereka Yang menjaga amanah dan janjinya; dan mereka Yang tetap memelihara sembahyangnya; mereka itulah orang-orang Yang berhak mewarisi-Yang akan mewarisi syurga Firdaus; mereka kekal di dalamnya”*

Profesor Dr. Yusuf al-Qardhawi, Presiden Persatuan Ulama' Sedunia, yang dinobatkan sebagai Tokoh Maal-Hijrah Negara kita baru-baru ini, didalam kitabnya as-Sohwah al-Islamiyyah Bainal Juhud wat-Tatorruf telah menghuraikan betapa pentingnya hak-hak dan amanah kepimpinan mestilah ditunaikan oleh pemimpin kepada rakyat dibawahnya dengan sebaiknya, kerana bila amanah telah dirosakkan dan dikhianati akan berlakulah kerosakan kepada masyarakat dan dunia seluruhnya.

Berasaskan kepada fakta dokumen perjanjian, kerajaan pusat perlu membayar royalti dalam bentuk wang tunai kepada kerajaan negeri, perjanjian ini telah dibuat pada tahun 1975, maka Kerajaan Persekutuan adalah bertanggungjawab untuk mengotakan janji ini kepada seluruh rakyat Kelantan. Pada tahun 1975, perjanjian telah ditandatangani diantara Menteri Besar Kelantan ketika itu, iaitu Allahyarham Datuk Mohammad Nasir dengan Pengerusi PETRONAS ketika itu, iaitu Yang Mulia Tengku Razaleigh Hamzah.

pembangunan yang melalaikan manusia daripada mengingati Tuhan Pemberi minyak tersebut.


Allah melarang sama sekali umat Islam berpecah-belah dan berselisih-faham dengan sebab merebut harta dan kemewahan dunia. Minyak tidak boleh menjadi punca permusuhan, perebutan dan perbalahan sesama manusia dan ummah. Sepatutnya penemuan minyak ini mendorong umat kepada bekerja dengan lebih gigih untuk membangunkan bumi dan merebut kemenangan akhirat. Kitalah ummah yang terbaik yang memiliki nikmat Islam selain kekuatan minyak yang berada di tangan kita.

Anugerah minyak kepada umat Islam tidak seharusnya menjadikan mereka semakin tamak haloba mengejar projek dan kontrak yang terhasil daripada industri pengeluaran minyak sehingga mencetuskan perbalahan, merampas hak rakyat secara haram dan sebagainya demi merebut habuan dunia yang sedikit. Seringkali hak-hak dan adab sesama Muslim, persaudaraan Islam dan lebih lagi hak rakyat menjadi hancur kerana sikap tamak mengejar habuan dunia yang sedikit yang pernah satu ketika Rasulullah saw umpamakan dunia ini bagaikan bangkai haiwan.

Hakikatnya anugerah Allah SWT ini yang mestilah diagihkan secara adil dan bijaksana dan digunakan dengan sebaik-baiknya untuk kemaslahatan masyarakat dengan penggunaan yang menepati syariat-Nya sebagai tanda kita bersyukur kepada Allah SWT.

Firman Allah dalam surah Thahaa : Maksudnya: *"Tuhan yang Maha Pemurah, Yang bersemayam di atas Arasy, kepunyaan-Nyalah semua yang ada di langit, semua yang di bumi, semua yang di antara keduanya dan semua yang terdapat dibawah tanah (yakni didalam perut bumi)"*

Sesungguhnya, hasil mahsul daripada sesebuah negeri hendaklah digunakan menurut kepentingan dan keutamaan



(Contagious Zone sehingga 44 km dari daratan). Sementara PM3 berada di kawasan perairan Zon Ekonomi Eksklusif Malaysia (Sehingga 370 km dari daratan).

Sebagaimana dengan isu di JDA, aspek perundangan dan Perlembagan Persekutuan jelas dan pemahaman meyebelahi tuntutan Kelantan, kerana jarak pengeluaran tidak menjadi (Contagious Zone sehingga 44 km dari daratan). Sementara PM3 berada di kawasan perairan Zon Ekonomi Eksklusif Malaysia (Sehingga 370 km dari daratan).

Sebagaimana dengan isu di JDA, aspek perundangan dan Perlembagan Persekutuan jelas dan pemahaman meyebelahi tuntutan Kelantan, kerana jarak pengeluaran tidak menjadi faktor penentu pembayaran royalti, kerana Kerajaan Negeri Terengganu dan Sabah terus menikmati royalti walaupun jarak kawasan pengeluarannya lebih jauh dari kawasan tuntutan Kelantan.

Kawasan operasi gas asli di kawasan PM303, iaitu di Lawit dan Jerneh berkemungkinan berada di dalam perairan Kelantan tetapi royalti dari hasil pengeluarannya dibayar kepada Kerajaan Negeri Terengganu. Penjualan hasil gas asli dari Jerneh, iaitu kawasan pengeluaran terbesar di Malay Basin bermula 1992. Manakala pengeluaran di Lawit bermula 1997 dan menghasilkan pengeluaran sebanyak 450 juta kaki padu



Pelantar Minyak (JDA) diwaktu malam dirakam juru gambar Urusetia Penerangan yang meninjau kawasan tersebut baru-baru ini.

“Amanah Allah SWT dalam hal menggunakan hasil mahsul negeri”.

Mimbar Jumaat pada hari ini akan membicarakan berkaitan anugerah Allah SWT kepada rakyat Kelantan di atas kemakmuran kerajaan yang berdiri hari ini dengan berpaksikan Islam, al-Quran dan Sunnah Rasul saw, iaitu berkaitan isu minyak yang ditemui di perairan negeri Kelantan disamping polemik pembayaran royalti minyak yang hangat diperkatakan. Mimbar Jumaat juga ingin berpesan kepada semua kaum muslimin bahawa sesungguhnya setiap rezeki, kemewahan dan hasil mahsul termasuk minyak semuanya adalah anugerah daripada Allah SWT. Dalam masa kita sibuk mengejarnya, janganlah pula kita lupa kepada pemberi rezeki tersebut iaitu Allah SWT sehingga kita tidak pula bersyukur di atas pemberian-Nya.

Anugerah minyak ini adalah juga sebahagian daripada ujian Allah. Allah ingin mengetahui, siapakah di antara kita yang paling baik amalannya, yang menggunakan setiap harta dan anugerah Allah yang diberikan untuk mendaulatkan agama dan hukum-hakamNya. Para pengkaji rizab minyak dunia mendapati, sedikit masa lagi kadar minyak dunia akan berkurangan. Namun, hakikat disebaliknya pula dua pertiga daripada rizab minyak dunia masih berada di negara umat Islam khususnya di Timur Tengah. Ini menunjukkan Allah SWT sentiasa mengurniakan nikmat kepada orang-orang Islam dan menganugerahkan rezeki daripada pelbagai sumber yang tidak disangka-sangka.

Bayangkan jika minyak ini dikuasai oleh orang-orang beriman dan bertaqwa kepada Allah, tentulah ia boleh digunakan untuk menegakkan agama dan syariat Allah, menyebarkan risalah kebenaran Islam dan menggerakkan pembangunan yang sejahtera dan seimbang antara tuntutan duniawi dan ukhrawi ; bukan pembangunan yang merosakkan generasi ; bukan pula yang membazir dan bukan juga

taqwa, taqwa seorang yang benar-benar beriman kepada Allah SWT, bukannya yang dibuat-buat, sepertimana pura-puranya golongan munafiq (yang zahirnya nampak Islam tetapi hakikatnya melakukan perbuatan kufur, malah menentang syariat dan hukum Islam secara terang-terangan). Sesungguhnya, semulia-mulia manusia di sisi Allah adalah orang yang paling tinggi taqwanya.

Saya juga ingin menyeru sidang jemaah sekalian supaya tidak dilalaikan dengan harta dan kehidupan dunia. Sebaliknya marilah kita bersungguh-sungguh menyiapkan diri dan keluarga untuk kehidupan akhirat dengan memperbanyakkan amal-soleh dengan ikhlas kerana Allah SWT semata-mata. Hanya amal ikhlas yang dikerjakan untuk mencari keampunan-Nya sahaja, yang akan menyelamatkan kita di hari yang tidak ada pertolongan melainkan pertolongan daripada Allah jua.

Firman Allah swt dalam Surah al-Kahfi ayat 56: Maksudnya: *“Harta dan anak-anak adalah perhiasan kehidupan dunia tetapi amalan-amalan yang kekal lagi soleh adalah lebih baik pahalanya di sisi Tuhanmu serta lebih baik untuk menjadi harapan”*

Marilah kita terus-menerus memuji Allah SWT kerana kita adalah hamba-Nya yang sentiasa dilimpahi dengan pelbagai nikmat, hidup sebagai umat yang bersatu dengan mendapat nikmat iman dan persaudaraan. Marilah kita terus berdoa agar masyarakat Kelantan dan umat Islam seluruhnya sentiasa disirami barokah, keampunan, keamanan dan kemajuan yang diberkati Allah serta dijauhkan daripada kesusahan, bencana, kemiskinan dan keruntuhan akhlak yang membawa kekufuran yang merugikan ummah.

Ikhwanil muslimin,

gas sehari. Kedua-dua kawasan ini dikendalikan oleh Esso Production Malaysian Inc.

Kawasan perairan di sekitar JDA dituntut oleh Kerajaan Malaysia berdasarkan sempadan wilayah dibawah naungan Negeri Kelantan. Sementara Perlembagaan Persekutuan sendiri menjamin wilayah milik Kelantan adalah hak Kerajaan Negeri Kelantan.



Tengku Razaleigh

Kerajaan Kelantan telah menyerahkan hak meneroka perairan kepada Petronas dengan persetujuan pulangan dalam bentuk tunai. Sepertimana perjanjian dimeteri pada 9 Mei 1975, antara Menteri Besar Kelantan ketika itu, Dato' Haji Mohamed bin Nasir dengan Petroleum Nasional Berhad (Petronas) yang diwakili oleh Pengerusinya, YBM Tengku Tan Sri Razaleigh Hamzah. Perjanjian tersebut adalah bersesuaian dengan penggubalan Akta 144 Kemajuan Petroleum 1974 yang memberi Hak Eksklusif mencari, mengeksplot, mendapatkan dan memperolehi petroleum di pantai (onshore) atau di luar pantai (offshore) Malaysia kepada Petronas. Salah satu butiran perjanjian itu seperti yang tercatat dalam seksyen 1

(1) Petronas hendaklan membayar wang tunai kepada kerajaan secara bayaran tahunan sebanyak yang setara dengan 5 peratus dari nilai petroleum yang didapati di Kelantan.

“Dalam perjanjian tersebut, kita tidak panggil wang royalti, yang sebenarnya wang tersebut dipanggil bayaran tunai (cash payment). Sementara wang ihsan tiada dalam perjanjian yang saya buat dulu, saya yang buat Akta Petroleum Negara 1974, tidak terlintas untuk menyebut mengenai wang ihsan kerana wang ihsan hanya diberi kepada orang yang minta sedekah”. (Tengku Razaleigh- *Sinar Harian*, 1 Dis 2009)



Keengganan pusat memberi royalti kepada Kelantan bukan sahaja melanggar Akta Pembangunan Petroleum 1974, malah lebih besar dari itu ianya akan memberi kesan dan permasalahan melampaui negeri Kelantan.

Dengan meniadakan perjanjian antara Kelantan dengan Petronas itu, bermakna kerajaan Pusat juga meniadakan perjanjian sama terhadap negeri-negeri lain sekaligus menafikan hak rakyat negeri tersebut. Selain itu katanya, kerajaan persekutuan boleh dipersoal kerana dilihat cuba menafikan kewajipan Petronas untuk membayar 5 peratus kepada mana-mana negeri pengeluar minyak seperti termaktub dalam kontrak perjanjian.

Sedangkan katanya, Petronas pada hakikatnya terikat dengan kontrak tersebut dan wajib membayar jumlah 5 peratus dari keuntungan mereka secara terus kepada negeri terlibat. Tindakan tersebut katanya menimbulkan persoalan dan boleh memberi impikasi yang lebih besar kepada negeri-negeri pengeluar minyak yang lain, khususnya Sabah dan Sarawak. Keadaan Kelantan, Sabah dan Sarawak adalah serupa dan membuat perjanjian sama dengan Petronas. Jika Kelantan tidak diberi hak royalti persoalan timbul adakah bermakna kedua-dua negeri di Borneo itu juga bakal menerima nasib yang sama.

Beliau turut menyelar sikap Kerajaan Persekutuan yang dilihat cuba campurtangan terhadap perjanjian yang dibuat antara negeri-negeri pengeluar minyak dengan Petronas. Tindakan campurtangan itu katanya boleh mengakibatkan rakyat meragui integriti dan keikhlasan kerajaan dalam menghormati kesucian kontrak dan undang-undang.

“Saya harus menegaskan bahawa PETRONAS terikat oleh mereka dan bahawa kerajaan Persekutuan tidak boleh campur tangan dalam pemenuhan mereka. Jangan bercakap tentang pelaburan untuk memacu ekonomi kita ke tahap yang lebih tinggi, jika kita gagal untuk memahami pentingnya mematuhi kewajipan kontrak,” tegasnya.



AMANAH ALLAH DALAM HAL MENGGUNAKAN HASIL MAHSUL NEGERI

Firman Allah swt dalam surah Thahaa ayat 5 hingga 6: Maksudnya: *“Tuhan yang Maha Pemurah, Yang bersemayam di atas `Arasy, kepunyaan-Nyalah semua yang ada di langit, semua yang di bumi, semua yang di antara keduanya dan semua yang dibawah tanah (didalam perut bumi)”*

Ikhwanil Muslimin sidang Jumaat yang dikasihi sekalian,

Pada hari yang mulia ini, saya ingin mengajak diri saya dan hadirin sekalian untuk sama-sama meningkatkan ketaqwaan diri kita kepada Allah dengan sebenar-benar



mana Kerajaan-kerajaan Negeri dan Kerajaan Persekutuan telah sanggup meletak hak selama-lamanya kepada PETRONAS mengenai petroliaam yang ditemui sama ada di dalam atau di luar pantai Malaysia. Sebaliknya PETRONAS sanggup membuat bayaran tunai kepada Kerajaan Persekutuan dan juga Kerajaan-kerajaan Negeri sebanyak 5% daripada nilai petroliaam yang ditemui dan dijual tiap-tiap tahun menurut Perjanjian itu. Bagi Negeri Kelantan, Allahyarham Dato' Hj. Mohamed bin Nasir, selaku Menteri Besar, telah menandatangani perjanjian ini dan saya bagi pihak PETRONAS telah menandatangani perjanjian yang sama dalam tahun 1975.

5. Jelas sekali, dengan tafsiran yang dibuat dalam kedua-dua perjanjian ini nampaknya tidak ada keraguan lagi mengenai bidang kuasa dalam dan luar pantai Malaysia mengenai petroliaam. Jelas sekali PETRONAS terikat dengan perjanjian-perjanjian ini begitu juga Kerajaan Negeri Kelantan dan oleh itu PETRONAS wajib membuat bayaran tunai sebanyak 5% daripada petroliaam yang diperolehi daripada luar pantai Malaysia yang bersempungan dengan Kelantan kepada Kerajaan Negeri Kelantan. Kalau tidak silap saya, sebahagian daripada kawasan luar pantai Malaysia yang diusahakan oleh JDA (Joint Development Authority) sekarang ini pernah diberi kepada syarikat asing untuk mencari gali minyak dalam tahun enam-puluhan dahulu tetapi diserahkan balik kepada Kerajaan Persekutuan apabila didapati ianya tidak ekonomik oleh kerana kos mencari gali minyak di ketika itu melebihi harga pasaran minyak dunia. Untuk makluman Y.A.B. Dato', saya telah meminta Perdana Menteri, Allahyarham Tun Abdul Razak, untuk mengguna pakai Seksyen 4 Perjanjian di bawah Akta Kemajuan Petroliaam ini supaya PETRONAS menandatangani dengan setiap negeri di Semenanjung Tanah Melayu untuk mensekukan perjanjian-perjanjian yang dibuat oleh PETRONAS di bawah Akta tersebut. Apatah lagi disedari bahawa negeri-negeri di Pantai Timur masih kurang maju yang memerlukan bantuan untuk pembangunan dan sudah tentu akan mendapat manfaat daripada bayaran tunai daripada PETRONAS.. Pada masa itu difikirkan ada kemungkinan kawasan luar pantai Malaysia berhampiran atau bersempungan dengan Kelantan, Terengganu dan Pahang mempunyai petroliaam dan/atau gas asli mungkin memberi harapan yang baik kepada rakyat dan negeri-negeri tersebut sekiranya petroliaam ditemui di luar pantai Malaysia berhampiran negeri-negeri itu.

Sekian, terima kasih. Wassalam.

Yang ikhlas,

(Tengku Razaleigh Hamzah)

Surat Jawapan daripada Tengku Razaleigh Hamzah



Terdahulu, dalam perbahasan Dewan Rakyat, 12 November 1975, Perdana Menteri Malaysia ketika itu Tun Haji Abdul Razak Hussein ketika menjawab pertanyaan Yang Berhormat dari Kota Melaka, Lim Kit Siang menegaskan “Mengikut perjanjian itu (Perjanjian dengan Petronas), tiap-tiap negeri akan menerima 5 peratus daripada nilai petroleum yang dijumpai dan diperolehi di negeri masing-masing sama ada yang diperolehi dalam kawasan perairan atau di luar perairan negeri tersebut, yang dijual kepada Petronas atau agensi-agensi ataupun kontraktor-kontraktornya”.

Sementara semasa sesi perbahasan Dewan Negara tanggal 7 Januari 1977, Menteri Tak Berfolio ketika itu, Tan Sri Chong Hon Nyan menjawab soalan tambahan Raja Dato' Nong Chik bin Raja Ishak (Selangor), katanya “Petronas boleh mengambil 10 peratus daripada jumlah keluaran untuk membayar royalti kepada Kerajaan Persekutuan dan Kerajaan Negeri yang berkenaan, manakala syarikat carigali minyak yang berkenaan boleh mengambil lebih daripada 20 peratus daripada jumlah pengeluaran untuk membiayai mencarigali dan mengeluarkan minyak mentah. Daripada 10 peratus itu diagihkan 5 peratus kepada Kerajaan Negeri dan 5 peratus kepada Kerajaan Persekutuan.

“Saya juga sukacita melihat dalam Fasal 2, bahawa hak untuk mengeluarkan pemberian hak-hak seperti terkandung dalam Jadual terserah kepada Kerajaan yang mempunyai kuasa kepada kawasan yang berkenaan. Bagi pihak Negeri Sarawak saya ingin menyatakan bahawa kita berpendapat adalah menjadi hak Negeri Sarawak mempunyai kuasa di bawah Seksyen 2 tadi mengeluarkan pemberian hak-hak, kuasa-kuasa, kebebasan-kebebasan dan keistimewaan-



Salahuddin Ayub



keistimewaan berkenaan dengan petroleum seperti terdapat dalam Jadual Undang-undang ini meliputi bukan sahaja kawasan daratan tetapi juga kawasan yang di sebut offshore termasuk continental shelf.

Saya sungguh gembira ada tersebut dalam Rang Undang-undang ini iaitu sebagai pengakuan kepada hak ini pihak PETRONAS akan memberi bayaran wang tunai kepada Kerajaan yang berkenaan. Dengan cara begini maka Kerajaan Negeri yang berkenaan akan dapat sedikit wang, walaupun tak banyak yang boleh digunakan dalam pentadbiran negeri dan juga dalam pembangunan.” (Perbahasan Akta Pembangunan Petroleum 1974 oleh Tun Rahman Ya’kub, Ketua Menteri Sarawak, seperti hansard Dewan Rakyat bertarikh 24 November 1974)

Namun dalam Dewan Rakyat, tanggal 17 November 2009, Menteri di Jabatan Perdana Menteri, Dato’ Seri Nazri Aziz memberitahu, katanya “Mengikut Ordinan Kuasa-Kuasa Perlu Darurat 1969 (No (7), perairan sesebuah negeri ditakrifkan kawasan yang terletak tidak melebihi tiga batu nautika (5.55 kilometer) dari tikas air surut dan ketika ini, medan minyak dan gas di perairan Malaysia yang mengeluarkan hasil adalah di luar tiga batu Nautika atau di luar kawasan perairan negeri.”

Bagaimanapun jawapan itu dibantah Ahli Parlimen, Salahuddin Ayub, (Pas-Kubang Kerian), Kim Kit Siang (DAP-Ipoh Timur), Saifuddin Nasution Ismail (PKR- Machang) Dr Dzulkefli Ahmad (Pas- Kuala Selangor), Mohd Yusmadi Mohd Yusoff (PKR-Balik Pulau) dan Khalid Samad (Pas- Shah Alam). Kerana mengikut PDA, setiap negeri layak mendapat lima peratus daripada nilai petroleum yang ditemui di dalam atau di luar perairan negeri masing-masing.



Saifuddin Nasution Ismail



TRH/U/Phb/Kel/18 Bh.9
30hb Julai, 2009.
8hb Sya'ban, 1430.

Y.A.B. Tuan Guru Dato' Haji Nik Abdul Aziz bin Nik Mat,
Menteri Besar Kelantan,
Pejabat Menteri Besar,
Blok 1, Tingkat 1,
Kota Darulnaim,
15503 Kota Bharu,
KELANTAN. **Dengan tangan/Fax No.09-7442748**

Bismillahirrahmanirrahim.

Yang Amat Berhormat Dato,

TUNTUTAN ROYALTI MINYAK KERAJAAN NEGERI KELANTAN

Saya panjatkan do'a ke Hadrat Allah S.W.T. agar Y.A.B. Dato' berada dalam keadaan sihat walafiat.

2. Sukacita saya maklumkan bahawa surat Y.A.B. Dato' yang bertarikh 15 Julai, 2009, yang disampaikan kepada saya oleh Y.B. Dato' Hj. Husam Musa pada hari Jumaat, 17 Julai, 2009, telah selamat saya terima dan diucapkan berbilang-banyak terima kasih.

3. Apabila Malaysia ditubuhkan dalam tahun 1963, bidang kuasa (jurisdiction) ke atas luar pantai Malaysia di antara Negeri dan Persekutuan tidak ditentukan untuk negeri-negeri Sabah, Sarawak dan Singapura oleh kerana Malaysia ditubuhkan dalam suasana di mana kita telah diancam oleh negara tetangga. Ini menyebabkan Kerajaan Negeri Sarawak telah mempertikaikan hak bidang kuasa Kerajaan Persekutuan ke atas luar pantai Malaysia di perairan Sarawak. Nasib baik dengan adanya Akta Kemajuan Petroliaam 1974 pertikaian ini telah dapat diselesaikan dalam suatu perundingan yang diadakan dengan Kerajaan Sarawak. Saya telah mewakili Kerajaan Persekutuan untuk merundingkan masalah ini dan tanpa memilih jalan yang sukar, iaitu untuk meminda Perlembagaan Negara bagi menentukan bidang kuasa untuk Negeri dan Persekutuan yang tidak sempat dibuat sebelum ini mengenai kawasan luar pantai Malaysia, maka Seksyen 4 Akta Kemajuan Petroliaam telah diguna bukan sahaja untuk menyelesaikan masalah ini tetapi telah dapat juga mengatasi kemungkinan ianya ditimbulkan oleh negeri-negeri seperti Sabah selain daripada Sarawak.

4. Akta Kemajuan Petroliaam mempunyai keistimewaannya tersendiri. Ia telah menyebabkan ujudnya satu perjanjian dalam

ini bertindih dengan Thailand dan Vietnam. Kerajaan Negeri pula berpandangan, perkataan offshore dalam perjanjian itu meliputi kawasan territorial zone dan juga kawasan ekonomi eksklusif, asal sahaja ia berada dalam perairan Kelantan. Isu perlindungan juga tidak sepatutnya berbangkit kerana pembahagian perolehan petroleum antara Malaysia - Thailand dan Malaysia - Vietnam mempunyai cara tersendiri yang telah dipersetujui bersama. Lebih - lebih lagi, tuntutan Kelantan adalah hanya ke atas bahagian Malaysia.

6. Untuk makluman YBM Tengku, bagi kawasan CAA, seperti terdapat dalam laporan tahunan Talisman, iaitu operator yang dilantik oleh Petronas dan Petro Vietnam, telah membayar royalti kepada Kerajaan Malaysia sebanyak 1,350 juta dollar Kanada bagi tahun 2006 - 2008.

7. Bagi kawasan JDA pula, operator carigalinya, Armada Hess mengumumkan pengeluaran gas berjumlah 790mcf/day dan minyak sebanyak 23,000 bpd.

8. Seperti YBM Tengku maklum, jarak pusat JDA ke Kota Bharu adalah hanya 150km, berbanding telaga - telaga minyak di Terengganu yang kebanyakannya mempunyai jarak melebihi 200km dari pantai. Terengganu, Sabah dan Sarawak masing - masing menerima royalti, seperti terhak, tetapi Kelantan, nampaknya telah diperkecilkan.


9. Sebagai salah seorang Jurutera Akta Pembangunan Petroleum 1974 yang memahami sepenuhnya kehendak - kehendak Akta berkenaan dan seorang anak Raja Kelantan, sumbangan YBM Tengku dalam menjayakan tuntutan ini adalah sangat dihargai. Saya mendoakan YBM Tengku dilimpahi inayah Allah untuk terus berkhidmat kepada rakyat Malaysia amnya dan rakyat Kelantan khususnya.

Sekian, terima kasih.

Wassalam.

****MEMBANGUN BERSAMA ISLAM****


Dengan hormatnya,



(TUAN GURU DATO' HAJI NIK ABDUL AZIZ BIN NIK MAT)

Menteri Besar Kelantan.

Surat Menteri Besar Kelantan,
TUAN GURU DATO' HAJI NIK ABDUL AZIZ BIN NIK MAT kepada, Tengku Razaleigh Hamzah.



Timbalan Menteri Besar Kelantan, YB. Dato' Hj. Ahmad bin Yakob sewaktu melepaskan misi khas yang akan melakukan tinjauan ke kawasan Carigali minyak



Misi khas bertepas dari jeti Pengkalan Kubor. Tumpat



menteri besar kelantan
MENTERI BESAR KELANTAN

TEL : PEJABAT : 09-7481621
RUMAH : 09-7656788
FAX : 09-7442748

MB (KN) : (S) 11/2/(8)

KOTA BHARU : 15 Julai 2009

Yang Berhormat Mulia
Tengku Razaleigh Hamzah bin Tengku Mahd. Hamzah
Na. 31,
Jalan Lenggak Golf,
55000 Kuala Lumpur

Yang Berhormat Mulia Tengku,

**SOKONGAN KE ATAS TUNTUTAN ROYALTI MINYAK KERAJAAN NEGERI
KELANTAN.**

Saya panjatkan doa ke hadrat Allah s.w.t supaya Yang Berhormat Mulia Tengku berada dalam keadaan sihat walafiat.

2. Untuk makluman YBM Tengku, Kerajaan Negeri Kelantan telah menuntut pembayaran royalti petroleum dari Petranas dan Kerajaan Persekutuan bagi kawasan Joint Development Authority (JDA) dan Commercial Agreement Area (CAA) yang telah memulakan pengeluaran gas dan minyak.

3. Seperti rekod sejarah, YBM Tengku adalah antara tokoh utama yang terlibat dalam merangka Akta Pembangunan Petroleum 1974 serta penubuhan Petranas dan perjanjian-perjanjian antara Petranas dan Kerajaan-Kerajaan Negeri mengenai pembayaran royalti. YBM Tengku juga adalah Pengerusi Petranas yang pertama, sudah tentu YBM Tengku memahami sepenuhnya semangat dan kehendak Akta berkenaan dan perjanjian yang dibuat. Malah, perjanjian bertarikh 9hb Mei 1975 antara Kerajaan Negeri Kelantan dan Petranas adalah ditandatangani oleh YBM Tengku sendiri sebagai Pengerusi Petranas yang pertama.

4. Tujuan saya menulis surat ini ialah untuk mendapatkan pandangan YBM Tengku bagi menyokong tuntutan Kerajaan Negeri Kelantan ini.

5. Antara isu yang dibangkitkan oleh pihak-pihak yang cuba menolak tuntutan ini ialah bahawa pengeluaran kawasan JDA dan CAA tidak tertakluk kepada pembayaran royalti kerana jaraknya tidak termasuk dalam istilah "Offshore" dalam perjanjian antara Kerajaan Negeri dan Petranas. Selain dari itu, mereka menggunakan alasan bahawa kawasan

sebagai balasan yang syarikat tersebut akan membayar kepada Kerajaan Persekutuan dan Kerajaan Negeri yang berkenaan. Rang tersebut diperkenalkan di Parlimen pada 24 Julai. 1974 oleh Datuk Haji Abdul Taib Mahmud yang pada ketika itu sebagai Menteri Perusahaan Utama.

Kenyataan Tun Dr. Mohd Salleh Abas di Konvensyen Royalti petroleum pada 14 Jun 2008 yang dianjurkan oleh Majlis Permuafakatan Rakyat Terengganu (MAMPAT). Selanjutnya masalah kawasan pantai 3 batu nautika telah diselesaikan oleh Akta Kemajuan Petroleum 1974 yang sekaligus telah menghapuskan lesen-lesen yang dikeluarkan di bawah Akta Petroleum 1963 (Akta ini membahagikan kuasa di antara Kerajaan Negeri dan Kerajaan Persekutuan iaitu Kerajaan Negeri berkuasa ke atas kawasan 3 batu nautika dan Kerajaan Persekutuan berkuasa ke atas kawasan luar dari 3 batu nautika dan Akta Perlombongan Petroleum ini TIDAK lagi berfungsi apabila Akta Kemajuan Petroleum 1974 (PDA) diluluskan oleh Parlimen dan berkuatkuasa.

Bayaran Tunai (Cash Payment) di bawah Akta Petroleum 1974 adalah bayaran yang WAJIB dibuat oleh Petronas walau atas nama apa sekalipun yang diberi sama ada bernama Royalti/Wang Ihsan/ Dana Khas, wang tersebut tetap kepunyaan sesebuah kerajaan yang mempunyai hasil minyak dan hendaklah dibayar terus kepada kerajaan yang berkenaan, iaitu kerajaan yang mana di lautannya minyak dijumpai.

Sementara itu Wang Ihsan adalah suatu pemberian yang tidak wajib di mana tiada pihak yang boleh dipertanggungjawabkan, manakala Royalti adalah bayaran yang diwajibkan mengikut Akta dan Undang-undang.

Wang Ihsan adalah satu perkataan rekaan baru, perkataan tersebut tidak pernah digunakan ketika itu, Apakah maksud Wang Ihsan? Dalam bahasa Arab “ihsan” membawa kepada maksud “baik/bagus” hasil daripada kebaikan hati / kebaikan dimana “hasan” merupakan kata akarnya.



MENGAPA PETRONAS PERLU MEMBAYAR ROYALTI KEPADA KELANTAN?

PENGUMUMAN Perdana Menteri Malaysia, Datuk Seri Najib Tun Razak bahawa kerajaan pusat akan memberikan wang ihsan kepada rakyat Kelantan, bercanggah dengan akta 144 kemajuan petroleum 1974 yang memperuntukkan lima peratus mesti diberikan kepada negeri pengeluar minyak. Pengumuman itu jelas bertentangan dengan akta tersebut dan merupakan satu pembohongan terhadap rakyat Kelantan.

Hak-hak Kerajaan Kelantan untuk memperolehi royalti minyak lima peratus adalah jelas, bersandarkan kepada fakta-



Menteri Besar Kelantan, YAB. Tuan Guru Dato' Nik Abd Aziz Nik Mat sewaktu menyambut misi khas yang pulang dari melakukan tinjauan ke kawasan carigali minyak.

fakta perjanjian yang sudah ditandatangani sejak dulu, antara Kerajaan Negeri, Kerajaan Pusat dan Petronas. Mengimbuai kembali sejarah dan latar belakang perjanjian itu ialah; kuasa mengizinkan sebarang jenis perlombongan, termasuk petroleum adalah kuasa negeri-negeri, sebelum Negara ini merdeka. Setiap negeri adalah wilayah berdaulat yang mempunyai kuasa dan legitimasi ke atas wilayah masing-masing, samada di daratan dan lautan. Kuasa ini kekal di pegang oleh setiap negeri ketika *The Federation of Malaysia Agreement 1948* di bentuk. Kuasa perlombongan kekal milik negeri-negeri.

Kelantan, seperti negeri lain juga, secara sukarela menyertai Persekutuan Tanah Melayu pada tahun 1957

Pertimbangan bagi mewujudkan pengembelengan sumber dan perkongsian faedah yang diperolehi di sini antara kerajaan Persekutuan dan Kerajaan Negeri telah membentuk latar belakang kepada perangkaan Rang Pembangunan Petroleum.

Cadangan perletakhakkan hakmilik ke atas petroleum kepada syarikat yang dicadangkan tersebut akan dilakukan oleh semua negeri, tidak kira di mana petroleum dijumpai, samada di pesisiran atau luar pesisiran pantai dan sebagai balasan bagi perletakhakkan tersebut, syarikat tersebut akan membayar bayaran tunai kepada Kerajaan Persekutuan dan Kerajaan Negeri yang memiliki pesisiran dan /luar pesisiran di mana minyak dijumpai.

Dengan jaminan kesaksamaan di bawah Artikel 8 Perlembagaan Malaysia, sebarang negeri lain di mana petroleum dijumpai tidak harus diberi layanan yang berbeza. Tun Razak telah bersetuju dan klausa 4 Rang tersebut menggunakan "kerajaan-kerajaan negeri yang relevan" maka hak untuk menerima bayaran tunai daripada Petronas tidak terhad kepada negeri Sabah dan Sarawak sahaja. Hak-hak ini dilanjutkan juga kepada negeri-negeri lain sekiranya ada dijumpai petroleum pada masa akan datang.

Konsep PDA adalah merupakan satu persefahaman untuk memajukan ekonomi negara dan meletakkan pemilikan petroleum kepada Petronas sebagai pemegang amanah kepada semua negeri-negeri yang mempunyai sumber minyak dan dipertanggungjawabkan sebagai pengendali operasi minyak di negeri-negeri terlibat.


Satu lagi isu antara pihak-pihak yang bertelingkah pada 1974 adalah berhubung perkataan "Royalti" ia adalah perkataan emotif dan seharusnya dielakkan sama sekali sekiranya persetujuan ingin dicapai. Oleh itu dicadangkan penggunaan perkataan yang neutral iaitu "Bayaran Tunai" yang boleh diterima pakai oleh semua pihak. Maka Seksyen 4 Rang tersebut mengandungi ekspresi "bayaran tunai"

Salleh Abas sebagai penasihat dan pengubal undang-undang seterusnya terlibat dengan perbincangan dengan melahirkan PDA ini.

Akta Pelantaran Benua 1966 dan Akta Perlombongan Petroleum 1966 tidak menentukan pemilikan petroleum, sama ada di pesisiran atau luar pesisiran. Ordinan Darurat (Kuasa-kuasa perlu) (No.7) 1969 yang digubal berikutan rusuhan Mei 1969, mensyaratkan bahawa lebar perairan wilayah Malaysia ialah sama ada 3 atau 12 batu nautika, Ordinan ini bagaimanapun tidak menentukan siapa yang mempunyai petroleum, sama ada di perairan atau luar perairan. Akta Zon ekonomi Eksklusif 1984 ialah akta berkenaan dengan hak kedaulatan dan bidang kuasa ke atas zon ekonomi eksklusif (EEZ) Malaysia, yang ditakrifkan sebagai kawasan seberang dan bersebelahan dengan laut wilayah Malaysia sehingga ke jarak 200 batu nautika.

Akta ini meletakkan Malaysia setaraf dengan negara-negara lain yang sehingga 1984 telah membuat tuntutan ke atas EEZ sehingga 200 batu. Akta ini bagaimanapun tidak menentukan pemilikan petroleum, sama ada di pesisiran atau luar pesisiran.

Penubuhan Petronas dan pelepasan hak-hak petroleum oleh 13 buah kerajaan negeri dan penemuan pertama lapangan minyak di Terengganu oleh Esso pada tahun 1971 di laut terbuka yang selalunya jarak sehingga 100 batu dari pantai. Dengan Rahmat Maha Esa, Esso memulakan pencaharian minyak pada Mac 1978 di Platform Tapis A di luar perairan Terengganu. Di sinilah kewajipan Petronas untuk membuat bayaran tunai kepada Terengganu yang dilakukan pada September 1978 buat julung kalinya.



Tun Mohd Salleh Abas

dan kemudiannya Malaysia, pada tahun 1963 tetapi kuasa perlombongan termasuk hak ke atas pengeluaran petroleum kekal menjadi kuasa negeri seperti diperuntukkan oleh Perlembagaan Negara.

Tidak ada sebarang masa, kuasa ini dilucut atau diserahkan kepada Kerajaan Persekutuan, baik sebelum atau selepas penubuhan Persekutuan Tanah Melayu tahun 1957 mahupun penubuhan Malaysia tahun 1963. Andakata Kelantan tidak menyertai Malaysia, kuasa ke atas petroleum samada di daratan atau lautan Negeri Kelantan akan kekal dalam milik Kelantan.

Itulah sebabnya satu perundingan diadakan antara Kerajaan Persekutuan dengan Kerajaan-Kerajaan Negeri untuk Kerajaan Negeri bersetuju menyerahkan hak ini kepada Kerajaan Persekutuan. Atas persetujuan itu, Kerajaan Negeri yang terdapat pengeluaran petroleum akan dibayar pembayaran tunai kepada Kerajaan Negeri mengikut pengeluaran kasar bagi tiap-tiap satu tahun dan pembayaran tunai itu akan dibuat sebanyak dua kali setahun iaitu pada bulan Mac dan September tahun itu.

Atas persetujuan itulah negeri-negeri menyokong pembentukan Akta 144 Kemajuan Petroleum 1974 (Akta PDA) dan kemudiannya menandatangani satu perjanjian. Akta PDA adalah Akta yang paling penting berkaitan isu royalti. Akta inilah mengawal pembentukan Petronas, mengesahkan perjanjian petroleum antara Petronas dan Kerajaan Negeri serta mengesahkan kuasa carigali dan pengeluaran petroleum yang dulunya dipegang oleh negeri akan diserahkan kepada Petronas dengan timbal balas wajib seperti yang disebutkan di atas.

Selepas Akta ini diluluskan, barulah Petronas terbentuk. Diikuti oleh Menandatangani perjanjian pada tahun 1975, antara Kerajaan Negeri dan Petronas mewakili Kerajaan Persekutuan.

Inti penting perjanjian ini hanya dua perkara;

- (a) Kuasa dan hak ke atas petroleum yang dimiliki oleh Negeri Negeri diserahkan kepada Petronas.
- (b) Sebagai balasan, hak itu diserahkan, Kerajaan Negeri-Negeri di mana pengeluaran petroleum berlaku akan dibayar bayaran tunai kepada Kerajaan Negeri. (Klaus 4 Akta PDA menyebut perkataan the Governments of the relevant states)

Jika sekiranya Kerajaan Negeri dijanjikan bayaran melalui apa yang dipanggil wang ihsan, adakah Kerajaan Negeri-Negeri akan bersetuju menyerahkan hak itu kepada Petronas pada waktu itu? Jawabnya tidak.

Jika kuasa yang dimiliki oleh Kerajaan Negeri hanya melibatkan 3 batu nautika saja dari pantai, adakah perlu Akta 144 Kemajuan Petroleum 1974 itu diadakan? Adakah perlu hak itu diserahkan oleh Kerajaan Negeri sedangkan telaga minyak kebanyakannya berada di luar garis 3 batu nautika itu? Jawabnya juga tidak perlu.

Kenapa Kerajaan Pusat masih berminat Kerajaan Negeri menandatangani perjanjian penyerahan hak itu? Kerana semua telaga sekalipun di luar perairan 3 batu adalah masih menjadi milik negeri-negeri sebagaimana ianya adalah milik negeri berkenaan sebelum negeri-negeri berkenaan menyertai Persekutuan Tanah Melayu dan Malaysia lagi. Mengenai jarak 3 batu nautika, ianya sama sekali tersasar dan hujah yang dibuat-buat tanpa sebarang sandaran.

“Saya juga sukacita melihat dalam Fasal 2, bahawa hak untuk mengeluarkan pemberian hak-hak seperti terkandung dalam Jadual terserah kepada Kerajaan yang mempunyai kuasa kepada kawasan yang berkenaan. Bagi pihak Negeri Sarawak saya ingin menyatakan bahawa kita berpendapat adalah menjadi hak negeri Sarawak mempunyai kuasa di bawah Seksyen 2 tadi mengeluarkan pemberian hak-hak, kuasa-kuasa, kebebasan-

KENYATAAN TUN DR. MOHD SALLEH BIN ABAS BEKAS KETUA HAKIM NEGARA

PENUBUHAN Akta Kemajuan Petroleum 1974(PDA) ialah berasaskan kepada keselamatan negara dari ancaman luar dan dalam. Pelbagai masalah yang dihadapi oleh negara menyebabkan Tun Abdul Razak memikirkan perlunya ada sokongan keselamatan negara melalui kuasa-kuasa besar. Malaysia pada masa itu adanya konfrantasi dengan Indonesia dan ancaman komunis dari dalam negara dan negara-negara jiran.

Keselamatan dalam negara ialah suasana politik kerajaan Pusat, Sabah dan Sarawak melibatkan royalti yang dibayar kepada Sarawak pada masa itu sebanyak 10 % oleh Syarikat Shell dan ia hampir mencetuskan perpecahan Malaysia. Bagi menyelamatkan hal ini, satu kerjasama dan persefahaman telah dicetuskan oleh Jawatankuasa yang dipegang oleh Tun Ismail Ali (Gabenor Bank Negara) dan YBM Tengku Razeleigh Hamzah (Pengerusi Bank Bumiputera) dan Tun Mohd



mana Kerajaan-kerajaan Negeri dan Kerajaan Persekutuan telah sanggup meletak hak selama-lamanya kepada PETRONAS mengenai petroleum yang ditemui sama ada di dalam atau di luar pantai Malaysia. Sebaliknya PETRONAS sanggup membuat bayaran tunai kepada Kerajaan Persekutuan dan juga Kerajaan-kerajaan Negeri sebanyak 5% daripada nilai petroleum yang ditemui dan dijual tiap-tiap tahun menurut Perjanjian itu. Bagi Negeri Kelantan, Allahyarham Dato Hj. Mohamed bin Nasir, selaku Menteri Besar, telah menandatangani perjanjian ini dan saya bagi pihak PETRONAS telah menandatangani perjanjian yang sama dalam tahun 1975.

Jelas sekali, dengan tafsiran yang dibuat dalam kedua-dua perjanjian ini nampaknya tidak ada keraguan lagi mengenai bidang kuasa dalam dan luar pantai Malaysia mengenai petroleum. Jelas sekali PETRONAS terikat dengan perjanjian-perjanjian ini begitu juga Kerajaan Negeri Kelantan dan oleh itu PETRONAS wajib membuat bayaran tunai sebanyak 5% daripada petroleum yang diperolehi daripada luar pantai Malaysia yang bersempadan dengan Kelantan kepada Kerajaan Negeri Kelantan. (Petikan dari surat YBM Tengku Razaleigh Hamzah kepada YAB Menteri Besar Kelantan, 30 Julai 2009).



kebebasan dan keistimewaan-keistimewaan berkenaan dengan petroleum seperti terdapat dalam Jadual Undang-undang ini meliputi bukan sahaja kawasan daratan tetapi juga kawasan yang di sebut offshore termasuk continental shelf. Saya sungguh gembira ada tersebut dalam Rang Undang-undang ini iaitu sebagai pengakuan kepada hak ini pihak PETRONAS akan memberi bayaran wang tunai kepada Kerajaan yang berkenaan. Dengan cara begini maka Kerajaan Negeri yang berkenaan akan dapat sedikit wang, walaupun tak banyak yang boleh digunakan dalam pentadbiran negeri dan juga dalam pembangunan.” (Perbahasan Akta Pembangunan Petroleum 1974 oleh Tun Rahman Yakub, Ketua Menteri Sarawak, seperti hansard Dewan Rakyat bertarikh 24 November 1974, muka surat 2371).

Perhatikan kandungan perbahasan para pembentuk Akta PDA ini dan ingat apa niat mereka dan maksud Akta ini sebenarnya, seperti dibayangkan oleh ucapan perbahasan Ketua Menteri Sarawak pada waktu itu seperti di atas;

- (a) Tidak ada had 3 batu nautika seperti yang beberapa pemimpin sebutkan sekarang.
- (b) Offshore sesuatu negeri tidak tertakluk kepada 3 batu nautika bahkan meliputi continental shelf.
- (c) Bayaran tunai tersebut dibayar kepada Kerajaan Negeri dan tidak dirampas di tengah jalan atas apa juga alasan.
- (d) Akta ini mengakui hak ke atas petroleum adalah hak negeri yang akan diserahkan kepada Petronas dengan timbal balas bayaran tunai.

Ini diperkuat oleh jawapan di Dewan Rakyat oleh YAB Tun Abdul Razak, Perdana Menteri Malaysia pada waktu itu, kepada pertanyaan oleh YB Lim Kit Siang tentang hak dan faedah yang akan diperolehi oleh negeri-negeri apabila menandatangani perjanjian petroleum itu kelak;



Perdana Menteri (Tun Abdul Razak):

Tuan Yang di Pertua, semua negeri di Malaysia, melainkan Sabah dan Selangor telah menandatangani perjanjian dengan PETRONAS sebagaimana yang dikehendaki oleh Akta Kemajuan Petroleum, 1974. Saya diberitahu Kerajaan Negeri Selangor telah pun bersetuju menandatangani perjanjian ini.



Allahyarham Tun Abdul Razak Hussein

Mengikut Perjanjian itu, tiap-tiap negeri akan menerima 5% daripada nilai petroleum yang dijumpai dan diperolehi dalam kawasan perairan atau di luar perairan negeri tersebut, yang dijual oleh PETRONAS ataupun agensi-agensi ataupun kontraktor-kontraktornya.

Tiap-tiap negeri akan menerima 5% daripada nilai petroleum yang dijumpai dan diperolehi dalam kawasan perairan atau di luar perairan negeri tersebut. Demikian maksud Tun Razak. Allahyarham adalah pemimpin UMNO yang banyak berjasa. Pandangan jauhnya mengatasi kepentingan politik kepartian. Kenapa hasrat baik itu hendak dicemari kemudian? Mengapa niat baik dan teladan mulia seperti itu hendak dilanggari?

Kita terbentuk dari sejarah. Kita menjadi mulia dengan menghormati apa yang telah terukir dalam sejarah sebagai ikatan persetujuan semua pihak melakarkan kepentingan masa depan anak cucu dan negara tercinta atas dasar menghormati hak dan menunaikan kewajipan seperti termaktub dalam persetujuan dan ditulis dalam bentuk sebuah perjanjian. Hormatilah diri kita sendiri.

Al-Quran sangat mementingkan patuh pada perjanjian. Antara lain Allah berfirman; *“Dan orang-orang yang (beriman itu) memelihara dengan sebaik-baiknya amanat-amanat”*



Memenuhi sebuah perjanjian adalah memenuhi perintah sebuah firman Tuhan yang telah menciptakan hasil mahsul mengikut ukuran dan tempat yang Ia kehendaki.

Jika faedah rakyat Kelantan menjadi pertaruhan, ia masih tetap boleh dipenuhi oleh Kerajaan Negeri. Lagi pun, Kerajaan Negerilah yang memulakan tuntutan ini empat bulan yang lepas dan langkah Perdana Menteri membuat pengumuman pertama dalam masa relatif singkat patut dialu-alukan tanpa sampai meninggalkan perjuangan hak rakyat Kelantan yang masih belum ditunaikan.

Ikutilah teladan YBM Tengku Razaleigh, juga anak Kelantan, sekalipun beliau juga ahli UMNO, tetap mempertahankan hak Kelantan seperti kehendak Akta PDA itu sendiri. Apabila Malaysia ditubuhkan dalam tahun 1963, bidang kuasa (jurisdiction) ke atas luar pantai Malaysia di antara Negeri dan Persekutuan tidak ditentukan untuk negeri-negeri Sabah, Sarawak dan Singapura oleh kerana Malaysia ditubuhkan dalam suasana di mana kita telah diancam oleh negara tetangga. Ini menyebabkan Kerajaan Negeri Sarawak telah mempertikaikan hak bidang kuasa Kerajaan Persekutuan ke atas luar pantai Malaysia di perairan Sarawak. Nasib baik dengan adanya Akta Kemajuan Petroleum 1974 pertikaian ini telah dapat diselesaikan dalam suatu perundingan yang diadakan dengan Kerajaan Sarawak. Saya telah mewakili Kerajaan Persekutuan untuk merundingkan masalah ini dan tanpa memilih jalan yang sukar, iaitu untuk meminda Perlembagaan Negara bagi menentukan bidang kuasa untuk Negeri dan Persekutuan yang tidak sempat dibuat sebelum ini mengenai kawasan luar pantai Malaysia, maka Seksyen 4 Akta Kemajuan Petroleum telah diguna bukan sahaja untuk menyelesaikan masalah ini tetapi telah dapat juga mengatasi kemungkinan ianya ditimbulkan oleh negeri-negeri seperti Sabah selain daripada Sarawak.

Akta Kemajuan Petroleum mempunyai keistimewaannya tersendiri. Ia telah menyebabkan ujudnya satu perjanjian dalam



petroleum dan pendapatan darinya. Satu penyata akaun perlu diserahkan kepada Kerajaan Negeri dan semua telaga yang ada perlu mendapat pembayarannya.

Ia menjadi amat telus dan bertanggung jawab. Tidak ada mana-mana pihak boleh memanipulasikan hasil mahsul petroleum sesuatu negeri.

Tanpa saluran ini dan semua fakta cuba disembunyikan, siapa dapat menjamin ianya telus dan bebas dari manipulasi?

Di dalam seminar KDNK yang diadakan oleh EPU Jabatan Perdana Menteri, pada 16 Mac 2009 yang lalu wakil Kerajaan Negeri Kelantan yang hadir mendapati angka baru sektor perlombongan di Negeri Kelantan sangat signifikan iaitu RM2,721 juta pada tahun 2005 dan RM2,615 juta pada tahun 2006. Jabatan Perangkaan Negara memaklumkan bahawa data tersebut diberikan oleh pihak Petronas. Ini bermakna hasil petroleum dan gas telah menyumbang kepada KDNK Negeri Kelantan semenjak 2005 lagi.

Jadual 5.3 perangkaan utama industri petroleum mengikut negeri di Malaysia 2004 yang dikeluarkan oleh Jabatan Perangkaan Negara menyenaraikan Negeri Kelantan bersama Terengganu dan Sabah sebagai pengeluar 62.5% hasil petroleum Malaysia.

Mengapa penderaan dan penafian hak terus menjadi pegangan dan amalan? Atas tekanan ahli politik dari Kelantan sendirilah Perdana Menteri dipaksa membuat pengumuman yang tidak dapat dipertahankan oleh akal waras itu. Tanpa tekanan politik orang Kelantan, saya yakin, Perdana Menteri memenuhi kata hatinya sama seperti yang janjikan oleh Allahyarham Tun Razak 25 tahun silam.

Pada waktu Kerajaan Negeri membantah apa yang diumumkan, kita tetap akan mencari jalan perundingan dengan Perdana Menteri di luar sikap mendera dan penafian hak. Baliklah kepada semangat muafakat memenuhi wa'ad yang telah sah termaktub dan percayalah, Allah akan memberikan berkat kepada negara kita dengan langkah seperti itu.



(yang diserahkan padanya) dan perjanjiannya. (Q.S. Al Maarij: 32)

Selanjutnya tentang 3 batu nautika. Perhatian terhadap kata pendahuluan (preamble) kepada Seksyen 2 Akta Pembangunan Petroleum 1974 yang berbunyi;

The entire ownership in, and the exclusive rights, powers, liberties and privileges of exploring, exploiting, winning and obtaining petroleum whether onshore or offshore of Malaysia Maknanya, ia meliputi onshore dan offshore tanpa kecuali dan had sempadan 3 batu nautika

Kata Malaysia dalam seksyen berkenaan adalah merujuk kepada definisi Malaysia dalam Artikel Satu Perlembagaan Negara, antara lain;

- (a) Artikel 1(2): *The states of the Federation shall be Johore, Kedah, Kelantan, Malacca, Negeri Sembilan, Pahang, Penang, Perak, Perlis, Sabah, Sarawak, Selangor and Terengganu.*
- (b) Artikel 1 (3) : *Subject to Clause (4) the territories of each of the States mentioned in Clause (2) are the territories comprised therein immediately before Merdeka Day.*

Dengan itu, kata *the entire ownership in, and the exclusive rights, powers, liberties and privileges of exploring, exploiting, winning and obtaining petroleum whether onshore or offshore of Malaysia* adalah merujuk kepada *onshore* dan *offshore* mana-mana negeri berkenaan dan dalam kes ini, Negeri Kelantan.

Sepanjang Akta Pembangunan Petroleum 1974 dilihat, perjanjian penyerahan hak petroleum oleh negeri-negeri hanya terbatas kepada dua;

- (a) *Onshore* di daratan
- (b) *Offshore* di lautan



Offshore dalam Akta ini tidak pernah dibahagikan kepada apa-apa kategori lagi.

Atas sebab itulah royalti dibayar kepada semua negeri pengeluar petroleum seperti Sabah, Sarawak dan juga Terengganu.

Semua negeri ini telaga-telaga mereka kebanyakannya adalah juga berada di luar garis 3 batu nautika. Kalau mereka layak menerima royalti walaupun telaga mereka juga berada di luar 3 batu nautika, kenapa syarat yang berbeza hendak dikenakan pada Kelantan?

Ukuran double standard seperti itu sukar hendak dipertahankan sebagai tidak bersifat politik. Ia menghilangkan kehormatan masyarakat, terutama masyarakat korporat kepada Kerajaan Negara kita. Ia menghantar isyarat *rule of law* dan keramatnya perjanjian adalah boleh dinodai sebegitu mudah di negara kita. Sedangkan *rule of law* adalah asas untuk sesebuah negara menjadi maju dan sejahtera, termasuk menarik pelaburan asing, seperti disebut oleh **Alan Greenspan**, bekas Pengerusi Federal Reserve Amerika dalam memoirnya *The Age of Turbulence: Adventures In A New World*. Bagi Terengganu, Telaga Bekok, Tapis dan Pulau kesemuanya berada 150 batu dari pantai.

Mengambil contoh Terengganu juga dibayar wang ihsan, adalah tidak tepat. Bagaimana tentang Sabah dan Sarawak?. Apa yang dicatitkan dalam akaun Petronas itu sendiri pada setiap tahun. Sebagai contoh, disisipkan kenyataan media rasmi Petronas bertarikh 25 Jun 2009;

Despite the lower profit, PETRONAS continued to make higher payments to governments. During the financial year, PETRONAS Group paid RM74.0 billion to governments, bringing the Groups total payments to governments to RM471.3 billion since its incorporation in 1974. Of the RM74.0 billion payment for the year, RM67.8 billion was paid to the Federal Government comprising RM30.0 billion of dividend, RM20.3 billion of petroleum income tax, RM9.1 billion of corporate



income tax, RM2.2 billion of export duties and RM6.2 billion of royalty payment. Another RM6.2 billion was paid in royalty payments to the state governments of Terengganu (RM3.0 billion), Sarawak (RM2.3 billion) and Sabah (RM0.9 billion). Petronas Group Results For The Financial Year Ended 31 March 2009. (Diedarkan kepada media pada 25 Jun 2009).

Perhatikan, bagi tahun kewangan 2008/09 yang berakhir pada Mac 2009, Terengganu mendapat bayaran RM3 billion sebagai bayaran royalti! *RM6.2 billion was paid in royalty payments to the state governments of Terengganu (RM3.0 billion), Sarawak (RM2.3 billion) and Sabah (RM0.9 billion).*

Ianya adalah royalti !

Kalau pun Kerajaan tidak ingin bercakap benar, diatur lebih kemas dan tidak mudah dilekehkan orang. Kerana sekali diperlekehkan, susah untuk kita percayai lagi.

Pemimpin-pemimpin BN mengatakan; samada bayaran dibuat atas nama wang ihsan melalui Kerajaan Pusat atau bayaran tunai kepada Kerajaan Kelantan adalah tidak penting asalkan rakyat mendapat faedahnya.

Jawapannya; bayaran wang ihsan adalah diukur berdasarkan pengeluaran petroleum di luar pantai Kelantan. Banyak pengeluaran, banyaklah jumlah wang ihsan itu.

Nyata, wang ini tidak sama dengan segala jenis sumbangan yang disalurkan oleh Kerajaan Pusat selama ini. Ia masih dikaitkan dengan pengeluaran petroleum di perairan Kelantan. Mengapa perlu berbelit-belit? Mengapa tidak katakan terus, atas sebab politik, hak royalti Kelantan cuba dinafikan dengan istilah yang sama sekali tidak dikenali dalam perundangan negara kita iaitu wang ihsan yang dikawal oleh Kerajaan Pusat.

Jika ianya adalah wang petroleum, jika ia disalurkan kepada Kerajaan Negeri, maka Kerajaan Negeri bagi pihak rakyat dapat memastikan jumlah sebenar pengeluaran